

08 NOIEMBRIE
RUGACIUNEA 5
SOBORULUI
TUTUROR PUTERILOR CERESTI

Молитва

К вам, яко заступником и хранителем жизни моея, аз, окаянный, припадая, молюся: подадите мне молитвами вашими, дневное пребывание богоугодно и неискусно от злых деяний и помышлений прейти. Отверзите слух ушию моею, да услышу и разумею дела и словеса Божия душеполезная, да прозрю внутренними очима, тьмою греховною обдержимый.

Молите за мя, по все часы согрешающаго, да не пояст мене меч ярости Господни: зело бо превзыдоша беззакония моя на главу мою, и яко бремя тяжкое отяготеша на мне. Ты же, Господи мой, Господи, призри на мя, и помилуй мя, и изведи из темницы греховныя душу мою, прежде даже не отиду отсюда и не прииду на страшный оный суд Твой. Приими молящияся за ны святые Ангелы Твоя, иже окрест престола Твоего всегда со страхом предстоят, и тех молитвами, изряднее же Преистыя Твоея

Матере, избави мя от страшнаго онаго и грознаго суда Твоего: Ты бо еси Агнец Божий, вземляй всего мира грехи, распятый на Кресте нашего ради спасения. Вонми молитве моей и посли Ангела хранителя души моей и телу, да тем наставляем, избавлюся от всяких врагов, видимых и невидимых, и сподоблюся получитьи Твою милость со всеми от века Тебе благоугодившими: яко Ты еси Бог наш, и к Тебе прибегаю, и на Тя надеюся: аще и согреших паче человек, но от Тебе не отступих, ни руку моею воздех ко иному Богу. Тебе молюся, Господи Иисусе Христе, Тя благословляю, и Тебе поклоняюся от Троицы Единому, со Отцем и Святым Духом, ныне, и присно, и во веки веков.